

VAJTSWV KEV HLAB RAU NIAMTSEV

Tus sau: Kx. Tswv Txos Thoj

Tus Muab Suab: Seah Faaj

Tus Hu: Melissa Vaj & N. Moov Zoo Yaaj

1. Peb sawvdaws tsuas yog ib co nyuag niamtsev Hmoob
Peb tau yug los nyob rau saum tej nyuag toj roob
Peb yog ib co uas tsis tau nrog luag txawj ntse
Peb yeej ua lub neej nyob nrog txoj kev txomnyem
2. Vajtswv siv peb ua ib feem nyob hauv pawgntseeg
Nws pub peb muaj kev loj hlob thiab kev vammeej
Vajtswv siv peb ua ib feem nrog rau txhua phab
Nws tau pab peb muaj peevxwm thiab muaj cuabkav

** Vajtswv yog tus hlab peb dua ntais
Nws thiaj tsim peb ua ib co ntxhais
Vajtswv yog tus suav peb muaj nqis
Nws thiaj tsim peb ua cov niamtsev
3. Vajtswv tau tsa peb los ua Koomhaum Niamtsev
Nws thiaj siv peb los tshaj Nws lub koob lub npe
Vajtswv txaus siab siv peb ua Nws tes dejnum
Nws siv peb pab cov niamtsev nyob thoob qab ntuj
4. Vajtswv pub peb nyob ntawm Hauvpaus Koomhaum Hmoob
Peb thiaj li muaj feem xa tau Nws txoj moo zoo
Vajtswv cia peb ua ib feem ntawm CMA
Peb thiaj muaj feem nthuav tau Nws lub koob lub npe

KEV ZOO NKAUJ

Tus Sau: Mab Yaj

Tus Muab Suab: N. Xf. Leej Koob Xyooj

Tus Hu: N. Moov Zoo Yaaj

Muaj ntau zaus koj ntsib kev sim siab,
Saib hauv iav zoo li yus tsis ntxim hlab
Txawm yog koj tsis txawj, tsis ntse
Los yog tsis paub ib tug ntawv hauv koj lub neej
Tus Tswv Yexus txaus siab hlab koj, thiab Nws los ua koj tus Cawmseej
Koj yog Nws tus minyuam uas muaj nqis, Nws thiaj hlab koj tshaj
Txoj kev zoo nkauj, yog Yexus nyob hauv koj lub neej ntag

** Peb ua neeg nyob, nyias muaj nyias txoj kev tu ncu
Txawm koj lub cev, lub ntsej muag, lub neej zoo tsis xws luag
Muaj ntau zaus ua rau koj poob kua muag
Tiamsis ntawm Tswv Yexus, txoj kev zoo nkauj yog koj ntseeg Nws
Mloog Nws lus, thiab hlab Nws kawg siab kawg ntsws
Kev zoo nkauj yog los ntawm Vajtswv txoj kev hlab, kev cawmdim

MOOG

Tug Sau & Muab Suab: N. Ntxoov Zeb Xyooj

Tug Hu: Melissa Vaj

1. Tshuav ntau tug tuabneeg nyob puag ncig ntawm peb
Naj nub ua lub neej nrug kev txomnyem
Muaj coob leej ntau tug nyob ntawm koj ib saab
Raug kev tsimtxom, koj puas yuav cev teg moog paab?
2. Tshuav tuabneeg coob naj nub ntsib kev nyuaj sab
Ntsej muag luag ntxhi, lub sab tsaus quas ncab
Muaj ntau zag ua rua puab taag kev ca sab
Moog qha puab, Tswv Yexus yog txuj kev kaaj sab

** Moog, moog paab tug tuabneeg txomnyem
Cev koj txhais teg moog hlab, xob tso puab tseg
Moog, moog hlab cov ntsib kev quaj ntsuag
Cev koj txhais teg moog so puab lub kua muag
Yog koj tsi moog, leejtwg yuav moog?
Cale moog, xob tog lwm tug
Moog cawm puab ntawm Vaajtswv txuj kev hlab
3. Peb cov kws tau txais Vaajtswv txuj kev hlab
Cale coj moog qha pub rua lwm tug
Coj puab lug txais yuav peb tug Tswv Yexus
Vaajtswv lub ntuj Ceebtsheej txhaj le yog puab tug

LEEJTXIV

Tus Sau & Muab Suab: N. Vam Meej Vaj

Tus Hu: N. Moov Zoo Yaaj

1. Aub...Leejtxiv tus nyob saum ntuj Ceebtsheej
Thov sawvdaws hwm Koj lub npe tseeb
Thov los kav peb lub siab kom ncaj ncees
Thov kom peb los hwm, qhuas Koj ib leeg
2. Thov pub mov rau peb tau noj hnub no
Thov Koj zam txim rau peb tagnrho
Li peb zam txim rau lwm tus dhau los
Thov txhob cia kev sim siab raug peb os

** Thov Koj los kav peb lub siab, peb lub siab
Thov kom peb ua rawsli Koj siab nyiam, Koj siab nyiam
Ib yam li cov timtswv saum ntuj
Tau pehawm Koj txhua hnub
3. Thov pab peb dim dab ntxwj nyoog txhais tes
Coj taug kev zoo, lub siab ruaj ntsej
Rawsli Vajtswv txoj lus tau qhia tseg
Thov kom txhua yam ntawm no hwm Koj lub npe

VAJTSWV KEV PUB RAU NIAMTSEV

Tug Sau: N. Kx. Tswv Txos Thoj
Tug Muab Suab: N. Nyiaj Leej Tsab
Tug Hu: Melissa Vaj

1. Vajtswv yog tus ncaincees thiab dawbhuv kawg nkaus
Peb yuav ua cas nrog tau vim peb yog neeg txhaum
Vajtswv tej num nyuaj li nyuaj, thiab hnyav li hnyav
Peb yuav ua li cas peb thiaj li yuav ua tag

** Peb yog Vajtswv ib co niamtsev
Vajtswv pub peb muaj kev txawj ntse
Peb dhau los ua ib co vivncaus
Vajtswv pub peb muaj nyiajtxiag txaus

2. Vajtswv yog tus ncaincees tabsis muaj kev pab
Nws muaj cuabkav thiab ua tau txhua yam txhua tsav
Vajtswv yog tus dawbhuv tabsis muaj kev hlub
Nws muaj cuabkav thiab siv peb txhua leej txhua tus

Bridge: Vajtswv pab thiab tsa peb ntau leej ua thawjcoj
Nws pab thiab cia ntau leej txawj siv peb tus zog
Vajtswv pub thiab pab ntau leej muaj kev txawj ntse
Nws pab thiab cia ntau leej txawj siv peb txhais tes

3. Vajtswv twb pub thiab pab peb nyob rau yav dhau
Nws yeej yuav coj thiab pab peb nyob rau yav xaus
Vajtswv tau pub thiab pab peb nyob rau yav tag
Nws yeej yuav coj thiab pab peb nyob rau hnuv qab

** Cia peb ua ib co niamtsev zoo
Vajtswv thiaj yuav foom txoj koobhmoov
Cia peb ua cov vivncaus sib pab
Vajtswv yuav txhawb peb tsis paub tag

LUB SIJHAWM YEXUS LUG

Tug Sau: N. Kx. Ntshab Ntxawg Xoom
Tug Muab Suab: Yeej Hawj
Tug Hu: N. Moov Zoo Yaaj

1. Lub sijhawm kws Tswv Yexus yuav rov qaab lug
Yuav muaj kev ntseev ntxag tshwm tuaj ntau zuj zug
Yuav muaj xwbfbw cuav ntxag kuas mej yuamkev
Ua kuas mej tso mej txuj kev ntseeg tseeb tseg

** Mej yuavtsum kawm Vaajtswv txujlug kuas paub meej tag
Mej txhaj yuav paub qhov tseeb thaus muaj txujkev ntseev ntxag
Tsi xob ca lwm tug coj mej meej yuamkev
Mej txhaj yuav moog txug Vaajtswv ntuj lub tsev

2. Yuav muaj tuabneeg ntxag kuas mej moog caum paub qaab
Yuavtsum ceev faaj mej txhaj tsi yuamkev taag
Cog mej kev ntseeg ruaj khov rua ntawm Vaajtswv
Ca Tswv Yexus kaav mej lub sab lub ntsws

3. Lub sijhawm kws Tswv Yexus yuav rov qaab lug
Yuav muaj kev phem kev qas tshwm ntau zuj zug
Yuav muaj txujkev sis tua nyob rua ntau qhov
Mej yuavtsum rau sab ntseeg hab nyob zuv tog

NOJ YEXUS ROOJ MOV

Tug Sau: N. Zaam Teeb Vaaj & N. Tswv Koob Vaaj
Tug Muab Suab: N. Zaam Teeb Vaaj
Tug Hu: Melissa Vaj

1. Nub nua koj puas tau npaaj txhij
Noj tug Tswv lub mov ci
Koj puas xaav coj moog qha
Kuas paub paub Yexus cov ntshaav

2. Koj tej kev txaug hab kev txhum
Tej kua muag ab kev nyuaj sab
Tsi xob muab zais khaws ca
Tswv Yexus yeej paub taagnrho

** Lug, cale lug ntawm Nwg lub xubndlag
Lug txhus caug hab fij taagnrho koj lub sab
Noj Nwg lub mov ci kws rhu koj tawm kev pluj
Haus Nwg khob txiv maab kws ntxuav koj kuas hu

3. Xaav txug Yexus kev raug ntaus
Nwg cov ntshaav kws tau ndlwg
Kev txomnyem kws Nwg tiv
Dlai ncuv sau ntawm khaublig

OHUAS KUV TUG TSWV

Tug Sau: N. Ntxhi Pov Thoj
Tug Muab Suab: N. Jerry Lauj
Tug Hu: Melissa Vaj & N. Moov Zoo Yaaj

** Kuv lub sab qhuas kuv tug Tswv
Pehawm Koj lub npe kws Dlawbhuv
Hu nkauj kawg sab kawg plawv qhuas tug Tswv
Kuv yeej yuav pehawm Koj lub npe Dlawbhuv

1. Thaus lub nub tawm tuaj yog ib nub tshab
Txug caij kuv rov hu nkauj qhuas Koj kawg sab
Txawm kuv yuav ntsib tej kev nyuaj tom hauv ntej
Thaus tsaus ntuj kuv tseem hu nkauj qhuas Koj lub npe
2. Koj yog tug kws nplua nuj txuj kev hlub
Koj tsi chim rua leejtwg, Koj hlub tshaaj qub
Tsimnyog qhuas Koj lub npe hab lub sab zoo
Tsi muaj ib yaam kws pauv tau Koj txuj koob moov
3. Thaus kuv lub cev tsaug muas tsi muaj zug
Txhua yaam yuav xaus moog los kuv yog Koj tug
Kuv lub sab tseem hu nkauj qhuas Koj luag ntxhi
Kuv qhuas Koj, kuv qhuas Koj moog ib txhab ib txhis